

ÖRNEFNASTOFNUN

Norður-Ísafjarðarsýsla
Eyrarhreppur

Tunga
Samlesió J.H.

Tunga

Bjarni Halldórsson, Tungu, skráði.

Landamerki, örnefni og slægjulönd.

Býlið Tonga stendur á tungunni milli **Tunguáar** (1) að norðan, sem á upptök sín úr **Botnsheiðarvatni** (2) og rennur niður **Tungudal** (3), og **Úlfsáar** (4) að sunnan, sem byrjar úr **Breiðadalsheiðarvatni** (5) og rennur niður **Dagverðardal** (6). Þá á Tonga land allt norðan Tunguár, er hér er talið, frá túnbletti þeim, er Arnór Jónsson hefur og á hesthús á, og er girðing blettsins á merkjunum milli Tungu og Seljalands. Þaðan liggur merkjalínan beint upp **Múlann** (7) í stóran stein, sem er um 100 m innan við hagagirðinguna á Seljalandi, og í annan stein minni á Múlabrún. Þá voru merkin þau, að ríðandi maður átti að sjá í krókana á Tunguánni, þar sem hún lá næst Tungutúni. Er það að kalla með mestu hólunum á gamla túninu, sem hún átti þá farveg, en var síðar rétt af til að þurrka Eyrarnar. Þetta gildi fram að **Buná** (8), þá var hún merkin upp fyrir **Sandfell** (9), þar sem hún kvíslast, en þá bein stefna í **Þjófaskarð** (10), en það er innan til við **Þjófatinda** (11).

Á fjallinu milli byggða er vatnshalli ráðandi merki. Þá er það **Kistufell** (12), **Gyltuskarð** (13), **Búrfell** (14), **Botnsheiðarskarð** (15), **Þverfjall** (16) og **Breiðadalsheiði** (17), en úr **Heiðarhorni** (18) beina stefnu í Úlfsá, þar sem hún rennur í botni dalsins. Eftir það ræður Úlfsá merkjum milli Tungu og Hafrafells.

Þegar afi minn, Jón Ólafsson, og amma, Sigríður Halldórsdóttir, fóru að búa í innri bænum á Tungu 1890, sem þá fylgdu 10 hundruð jarðarinnar, var búandi í ytri bænum Jón Jónsson. Hann hafði 12 hundruð jarðarinnar. Þessir bæir stóðu saman á hólnum, þar sem nú er Neðri-Tunga. Svo var timburhús langt fram á túni, í því bjó Helgi

Sölvason, hann hafði 2 hundruð jarðarinnar. Þar skammt frá var bær, í honum bjó Finnur Níelsson, sem seinna reisti býlið Fagrahvamm.

Í Tungutúni eru þessi örnefni:

Pinghóll (19), sem var lítill, hauglaga, grasi gróinn malarhóll, en er nú jafnaður við jörð. Hann stóð 3 - 4 m upp fyrir hólhornið vestan við votheyshlöðuna.

Flöt (20), sléttur blettur, um 1/2 dagsláttu að stærð, heimst á túninu; gefur það til kynna, hvað óslétt túnið var. **Húshóll**¹ (21), framan til við Flötina, neðst á túninu gamla, og innan við hann **Hvammur** (22), stór dæld, sem liggur þvert niður túnið. Vestan hennar neðsti hóllinn, var kallaður **Kálgarðshóll** (23). Á honum stóð áður fyrr hús Helga Sölvasonar, og á litlum, háum hól ofar á túninu, kallaður **Tjarnarhóll** (24), stóð bær Finns Níelssonar. Vestan við hann var tjörn, hét **Álagatjörn** (25). Fram af henni, fremst við túnið, er lægð með smámýrabletti, hann heitir **Kjóamýri** (26). Á miðju túninu voru tveir langir hólhryggir, aðeins mjó lautarskora á milli þeirra, þeir hétu **Langhólar, efri** (27) og **neðri** (28).

Heimarlega á túninu voru fjárhús. Þau voru kölluð **Neðrihús** (29). Efst á því voru tvö fjárhús, kölluð **Efrihús** (30). Húsið, sem stóð framar, var nefnt **Fremrahús** (31) og hryggurinn, sem það stóð á, **Fremrahúshryggur** (32). Hitt hét **Ytrahús** (33) og hryggurinn **Ytrahúshryggur** (34). Hesthús var yzt og efst í horninu á túninu; var túnið í hallanum fyrir neðan það kallað **Hesthústún** (35). Neðan við það var tjörn, hún hét **Hesthústjörn** (36). Fjósið var í sama stað og nú.

Á ytribæjartúninu, nú efribæjar-, voru fá örnefni, enda var þar lítið um hóla og tóftir, en svo þýft var það, að ekki gat heitið, að á því væri sléttur blettur. Verstu þúfurnar voru austan til við mitt túnið, blettur um 2 dagsláttur að stærð. Hann var nefndur **Dægradvöl** (37).

Rétt ofan til við Neðri-Tungu, innst á túninu, er tjörn, kölluð **Tjörnin** (38). Hana kunnu börnin að meta við leiki sína. Neðan til við mitt túnið var fjárhús, kallað **Þórðarhús** (39), annars voru skepnuhúsin efst á túninu, uppi í hallanum. Neðan til við

¹ Ofan við nafnið Húshóll í hdr. stendur "bæna".

túnið niður að ánni var slétt mýrarstykki, kölluð **Veita** (40). Inn af henni, niður af Neðri-Tungu, er smáeyri við ána, hún heitir **Beineyri** (41).

Þá byrja ég við **Ósinn** (42), en svo er nefnt lónið fyrir ofan brúna á Tunguá, og fer sólargang um Tunguland.

Lögrétta (43) heitir grasbletturinn innan til við brúna. Þar var fyrrum þingstaður Ísfirðinga, og sást þar fyrir dómhring hlöðnum úr torfi og grjóti, unz því var breytt í tún. Í norðurhorni Lögréttu, Ósmegin, er grafið skarð í brúnina; það var síðasta bátanaust Tungubænda; um 20 m innar var dómhringurinn.

Milli ána var **Tungufjara** (44) og upp frá henni **Skeiðið** (45). Það var nokkuð sléttur melur, 8 - 10 m ofan við sjávarmál. Inn fyrir mitt Skeiði var grashjalli, 15 - 20 m breiður, í svipaðri hæð og Lögrétta, kallaður **Lágibakki** (46), en fyrir innan, þar sem sjávarbakkinn var í fullri hæð, **Háibakki** (47). Á vesturhorni á Skeiðinu var nærri 4 m hár strýtulagaður haugur, sem margir héldu vera af mannavöldum, en svo var ekki. Þessi strýta var kölluð **Skeiðispúfa** (48). Á suðurhorninu stendur býlið **Fagrihvammur** (49), sem dregur nafnið af hvammi við Úlfsá, er svo hét áður.

Bólholt (50) hét holtið ofan við Efri-Tungu, og lautin milli þess og Skeiðisins hét **Holtasund** (51). Innan við Bólholt kemur **Bólið** (52), þar voru mjólkaðar kindur og kýr að sumrinu frá Tungubæjum, og sjást þar enn tvö kvíabrot. Þá tekur við **Bólhryggur** (53) og nær að **Háaholti** (54), sem er heiman við **Grettistök** (55), en svo heita fjórir samanstiltir steinar, eða réttara sagt björg, sem eru Tungudalsmegin við Vegargerðarhúsin. Við þau eru stekkjartóttir. Holtin þar hjá heita **Grettistakaholt** (56), og næsta holt heitir **Grjótholt** (57), og innar, Tungudalsmegin, er **Stóraholt** (58), og **Hnífaholt** (59) heitir grjótholtið fram við **Hnífafjallið** (60), en svo nefnist allt fjallið milli Dagverðardals og Tungudals. Dagverðardalsmegin er túnblettur ofan við nýja veginn; það hét áður **Sjónarholt** (61). Holtin fjögur síðasttöldu og á milli þeirra heita **Ásar** (62), en dældin í Hnífafjallið **Ásakverk** (63). Niður af Ásum Tungudalsmegin heitir **Kinn** (64). Þar eru tveir nafngreindir steinar, **Holisteinn**

(65), heiman og neðan til við Hnífaholt, og Stóristeinn (66), niður undir túni í henni miðri.

Allt undirlendið meðfram Úlfsá fram að brekku var kallað **Árdalur** (67). Þar nokkru framar, sem grjótnáman byrjar, voru nefndar **Klappir** (68). Brekkan niður af Vegagerðinni heitir **Nónmýrabrekka** (69). Upp af henni, í austurhorni girðingar Vegagerðarinnar, var lítil, skjólsæl laut milli tveggja holta með lækjarsytru í miðju. Hún var í seinni tíð kölluð **Leóshvammur** (70); var uppáhaldsáningarstaður Leós Eyjólfssonar í útreiðartúrum og honum mjög kær.

Slægjublettirnir fram með veginum voru kallaðir **Nónmýrar** (71) fram að **Hvítabala** (72), en það heitir hryggurinn upp af **Litlafossi** (73). Nú er þetta að mestu ræktað land. Þá tóku við slægjublettir með mógröfum, sem hétu **Lækir** (74). Nú er það fremsta túnið í dalnum.

Framan í horni Hnífafjalls eru tveir kletthjallar, þeir heita **Lægstu-Hnífar** (75) og **Mið-Hnífar** (76). Fram Dagverðardal, í framhaldi af Mið-Hnífum, er kletthjalli; hann heitir **Hærribelti** (77). Annar hjalli aflíðandi liggur frá Lægstu-Hnífum og fram að **Lækjarhvolfi** (78), kallast **Lægribelti** (79). Eftir þeim og niður á Ása lá fyrrum heybandsgata, nefnd **Beltagata** (80), úr **Leynilágum**, **Lægri-** (81) og **Hærrí-** (82). Þær eru grasi gróin hvolf uppi á Hnífafjallinu upp af Lækjarhvolfi.

Annar lækurinn byrjar í Hærrí-Leynilág. Það er allmikil brekka upp í hana úr Lægri-Leynilág. Í þeim báðum voru slægjulönd og móskurður í þeirri neðri. Neðan til við hana, fram Leynilágarbrúnina fram fyrir Leiti, er hestagata. Þangað var mó og heyi (svo) reitt á hestum á þjóðveginn, eftir að hestakerrur komu, og þaðan ekið heim. Rétt neðan við Leitið er stærsti fossinn í Úlfsá, sem heitir **Stórifoss** (83). Hægt var að ganga bak við hann þurrum fótum. Fyrir ofan hestagötuna upp af Leitinu eru tvö klettabörð. Uppi á þeim er sléttur hjalli, þau heita **Neðrakast** (84) og **Efrakast** (85). Öll Hnífafjallsbrúnin fyrir framan Leiti og fram að Breiðadalsheiðarvatni hét **Köst** (86) eða **Köstin**, eins og hún var oftast kölluð.

Milli Leitis og **Austmannafalla** (87) bar ekki annað nafn, fyrr en kom að **Austmannafallabrekku** (88), en svo heitir brekkan neðan við þau, og byrja þau á brún hennar og ná fram að ánni, sem kemur úr Breiðadalsheiðarvatni. Á þeim eru mikil slægjulönd og mótak. Var þeim því skipt í tvennt á milli Tungubænda, **Heimri-** (89) og **Fremri-Austmannaföll** (90).

Fyrir ofan heimstu mógrafirnar er grasi gróið hvolf inn í Köstin; það heitir **Austmannafallahvolf** (91). Ef farið er upp úr hvolfinu og yfir Köstin, er komið í **Heimri-Þveráardali** (92); þar voru slægjulönd. Fremst í þeim Dagverðardalsmegin er **Litlavatn** (93), og rétt innan við það Tungudalsmegin er klettbarð, sem heitir **Þröskuldur** (94), og fyrir framan hann eru **Fremri-Þveráardalir** (95). Í þeim er **Mjóavatn** (96), og á **Þverá** (97) þar upptök sín, en hún rennur niður í Tungudal. Fyrir framan þá að Þverfjalli er allt landið kallað **Hraunið** (98).

Ef farið er úr Fremri-Þverárdölum lengra yfir, þá er komið að grasi grónu hvolfi, sem nefnist **Ártunguhvolf** (99). Í því er smátjörn og lækur, sem rennur niður í **Ártungur** (100) og í Tunguá. Vestan við lækinn er grasi gróinn hjalli, sem hét **Ártunguhjalli** (101). Þetta voru talin slægjulönd. Niður í Ártungur renna margir lækir en smáir, þar eru og slægjulönd.

Fari maður úr Ártungum heim Hnífafjall Tungudalsmegin, kemur **Þveráarhvolf** (102) norðan undir svokölluðu **Stórahöggi** (103). Þar eru talsverð slægjulönd. Fyrir neðan það er hvolfmyndaður hjalli, sem heitir **Neðra-Þveráarhvolf** (104), þar var talið slægjuland. Í brúninni fyrir ofan það vestanvert er klettabelti, það heitir **Minnahögg** (105). Þverá rennur gegnum bæði hvolfin og niður í Tunguá, en fyrir framan Þverá að Ártungum heitir **Tagl** (106). Þar eru slægjur. Heimst í Taglinu er stærsti fossinn í Tunguá, sem heitir **Tungufoss** (107).

Klettabrúnin fyrir heiman Þveráarhvolf heitir **Kólfeyrarbrún** (108), en það nafn mun dregið af brokstararmýri upp af henni, og byrjar þar slægjuland, sem heita **Blettir** (109). Það nær heim að **Hæstu-Hnífum** (110). Heimst í Blettum var mótak og eru þar gamlar mógrafir. Fyrir neðan þær og niður af brúninni, sem þar er kölluð

Blettabrún (111), er heybandsgata og þaðan út á Lægstu-Hnífa og niður Beltagötu. Hæðin fyrir ofan Bletti, frá Þverá og heim úr, heitir **Blettahögg** (112).

Hjallinn og upp að klettum, sem nær frá Lægstu-Hnífum og fram að svokallaðri **Stóruskriðu** (113), heitir **Girðingar** (114), en framan við hana að Þverá heitir **Þverhlíð** (115), og heiman hennar að svokölluðum **Kúhól** (116) heita **Skriður** (117). Mýrarnar framan við Kúhól, meðfram ánni, heita **Kúhólsmýrar** (118). Allt frá Þverá og heim úr meðfram ánni var talið slægjuland, þó sundurslitið væri. Við ána, fyrir heiman og neðan Kúhól, er grasi gróin eyri, sem nefnist **Kúhólseyri** (119). Hún var í nokkur sumur leikvöllur sumarbústaðaæskunnar í Tungudal. Heimstar útheysengja voru svonefndar **Eyrar** (120), fyrir framan og neðan túnið með ánni. Þeim var skipt í tvennt, **Heimrieýrar** (121) og **Fremrieýrar** (122), eru nú tún.

Þá skal byrja á örnefnum norðan Tunguár, og skal þá fyrstan nefna **Hvildarklett** (123), sem er við Búrfellsrætur á hápunkti **Botnsheiðar** (124), síðan austan til við hann Botnsheiðarvatn, sem Tunguá kemur úr. Fyrir heiman það er stórt hvolf með grasgeirum og var talið slægjuland, það heitir **Búrfellsmóar** (125). Hnífafjallsmegin við það og ofan við myndar áin vatn í laut, áður en hún rennur niður þá og heim af brúninni niður í Ártungur.

Ef haldið er út brúnir, kemur **Miðfellsfótur** (126) og í framhaldi og upp af honum **Miðfell** (127) með kletta í norðurrönd og strengbergi. Efsti hluti þess, **Miðfellsháls** (128), nær að Kistufelli. Við Miðfellsfót og neðan við hann voru slægjulönd með því nafni.

Fyrir heiman Miðfellsfót og neðan heitir brúnin **Þverlækjarbrún efri** (129) og hjallinn fyrir neðan **Þverlækjarbrún neðri** (130). Fram af þeim renna tveir lækir í Tunguá rétt hjá Tungufossi. Á Þverlækjarbrúnum voru slægjulönd. Brúnin fyrir heiman, upp af **Valhöll** (131), heitir **Háabrún** (132), upp af henni er Sandfell og fyrir ofan það **Sandfellshraun** (133). Fyrir heiman og neðan Háubrún koma svonefndar **Brúnir** (134). **Hæstabrún** (135), þar sem Harðarskálinn er ofan til við, **Miðbrún** (136) fram af Skíðaskálanum og **Lægstabrún** (137), lítill hjalli efst í Skóginum.

Þá byrja ég við **Tungudalsbotn** (138) fyrir neðan Búrfellsmóa. Brekkan niður með ánni, á móti Ártungum, heitir **Skipabrekka** (139) og **Heystæður** (140). grasflesjurnar þar heim af, heim fyrir **Þverlæki** (141), og er það mikið slægjuland. Því var skipt í tvennt milli bæja, **Fremri-** (142) og **Heimri-Heystæður** (143). Þar fyrir heiman er **Tunguleiti** (144), þar voru slægjur.

Við neðstu fossana í Tunguá eru smáklettagljúfur, voru þau nefnd **Gljúfrin** (145). Heimanvert við þau, skammt frá ánni, eru gamlar seltóttir frá Eyri. Upp af þeim hefur fallið stór skriða úr Háubrun. Hún heitir **Selskriða** (146), og vað var þar [á] ánni, sem hét **Selskriðuvað** (147).

Kallaður var **Skógur** (148) öll hlíðin upp á Lægstubrún, frá Tunguleiti og heim fyrir **Kornustaðaá** (149), en svo nefnist lækur, sem er innan til við kofa geitasmalans. Niður hlíðina nokkru innar rennur Buná með fallegum fossi, **Bunárfossi** (150), það er að segja, þegar vatn er nóg í henni, en hún þornar að heita má í þurrkum síðsumars. Fjallið fyrir heiman Kornustaðaá heitir Múli og nær í Seljalandsland. Upp af **Kolfinnustöðum** (151), í hlíðinni, er graslendi, talið slægjuland, kallað **Rjóður** (152). Það hafði verið býli á Kolfinnustöðum fyrr á öldum, sá fyrir húsatóftum og túngarði, áður en ræktað var, en lítið hefur það verið, var kallað **Kolfinna** (153).

Mýrin fyrir ofan og heiman kartöflugarðana heitir **Jörp** (154) og var slægjuland. Graslendið fyrir framan hana og fram að Kornustaðaá hét **Skógarengi** (155) og talið grasgefið slægjuland. Því var skipt í tvennt milli bæja, **Fremra-** (156) og **Heimra-Skógarengi** (157). Fyrir innan, þar sem sumarbústaður Jónasar Tómassonar er og fleiri, var smáslægjublettur, nefndur **Kollublettur** (158). Holtin á báða vegu við Buná heita **Bunárholt heimra** (159) og **fremra** (160).

Þá skal byrja við **Seltóttir** (161), eða á fremsta túninu. Það hét **Selpartur** (162), og náði hann heim fyrir **Skógarhúsið** (163) (bankasumarbústaðinn), og var hann slægjuland eins og allir eftirtaldir partar. Þá var það **Bunárpertur fremri** (164), náði heim að Buná. **Bunárstekkur** (165) hét tóttarbrot framan til við ána. **Bunárpertur heimri** (166) hét slægjan að Kornustaðaá, **Kornustaðastekkur** (167) hét nýlegt

tóttarbrott í **Kornustaðatúninu** (168) forna, en það sást fyrir túngarði og húsatóttum, þar sem nú er **Simsonsgarður** (169). Niður af honum var mýrarengi, það hét **Rípur** (170).

Fyrir heiman komu **Mógrafapartar fremri** (171) og **heimri** (172). Voru það mjóir renningar frá holtum og niður að á, og var þar aðalmótak Tungubænda. Í heimri partinum er malarhóll niður undir ánni, sem heitir **Orrustuhóll** (173). Um hann segir þjóðsaga, að þar hafi systurnar Korna og Kolfinna barizt út af landamerkjum, unz þær sukku í jörð niður.

Fyrir heiman að landi **Bræðratungu** (174) hét **Stóripartur** (175), og var honum skipt [1] miðju, **Fremri-** (176) og **Heimri-** (177). Landið fyrir ofan og heiman Stórapart var kallað **Holtin** (178) allt að merkjum, og læt ég lokið þessari örnefnaskrá.

Það finnst mörgum heimskulegt, hvað samliggjandi engi er skipt í marga smáparta, en ef við íhugum það betur, liggja til þess ýmsar ástæður, svo sem misgóðar flutningaleiðir, grasgefni og grastegundir og fleira. Ég tel nú upp þær helztu með nöfnum, sem notuð voru í Tungu:

Á þurrlandi töðugras og reyrgras, sem þóttu gott fóður, og finnungur, sem talinn var léttmeti. En á votlandi gulstör og brokstör, sem voru kúagæft fóður og rauðkem[b]ingur og hrossastör, lélegt fóður, og elfting, sem þótti eitur fyrir kýr, og svo fífan, það fyrrum nauðsynlega gras.

Engjunum í Tungu hefur tvisvar verið skipt upp á þessari öld, upp úr 1904, þegar hún varð tvíþýli, og er upptalningin hér að framan miðuð við þau skipti. Þegar skiptin fóru fram, var jafnað saman tveim þörtum af óvilhöllum mönnum, þannig að það væru sem jöfnust skipti og merkin, sem oft voru lausir steinar, færð til, ef þurfa þótti. Síðan skrifaði skiptaráðandi nöfn þeirra sitt á hvern miða og hélt síðan á sínum í hvorri hendi og lét svo bændurna velja hendi til skiptis. Ekki mun í þetta sinn hafa orðið breyting á partatölu.

Önnur skipti fóru fram 1927. Þá hóf Ísafjarðarbær búskap á Seljalandi og hálfri Tungu og ræktun ári síðar. Var þá nauðsynlegt að stækka partana og búa til heillegri einingar, og gilda þau skipti enn. Þessi skipti voru framkvæmd af bústjóra bæjarins, Jens Hólmgeirssyni, og Halldóri Jónssyni, bónda í Tungu, og síðan samþykkt af hlut[eigandi aðilum].

Stafrófsskrá örnefna.

Álagatjörn 25	Búrfellsmóar 124
Árdalur 67	Dagverðardalur 6
Ártunguhjalli 101	Dægradvöl 37
Ártunguhvolf 99	Efrakast 85
Ártungur 100	Efrihús 30
Ásakverk 63	Eyrar 120
Ásar 62	Fagrihvammur 49
Austmannafallabrekka 88	Flöt 20
Austmannafallahvolf 91	Fremrahús 31
Austmannaföll 87	Fremrahúshryggur 32
Austmannaföll, Fremri- 90	Femra-Skógarengi 156
Austmannaföll, Heimri- 89	Fremri-Austmannaföll 90
Beineyri 41	Fremrieyrar 122
Beltagata 80	Fremri-Heystæður 142
Blettabrún 111	Fremri-Stóripartur 176
Blettahögg 112	Fremri-Þverárdalir 95
Blettir 109	Girðingar 114
Ból 52	Gljúfrin 145
Bólholt 50	Grettistakaholt 56
Bólhryggur 53	Grettistökk 55
Botnsheiðarskarð 15	Grjótholt 57
Botnsheiðarvatn 2	Gyltuskarð 13
Botnsheiði 124	Háabrún 132
Breiðadalsheiðarvatn 5	Háaholt 54
Breiðadalsheiði 17	Háibakki 47
Brúnir 134	Heimra-Skógarengi 157
Bræðratunga 174	Heiðarhorn 18
Buná 8	Heimri-Austmannaföll 89
Bunáarholt fremra 160	Heimrieyrar 121
Bunáarholt heimra 159	Heimri-Heystæður 143
Bunárfoss 150	Heimri-Stóripartur 177
Bunárpartur fremri 164	Heimri-Þverárdalir 92
Bunárpartur heimri 166	Hesthústjörn 36
Bunárstekkur 165	Hesthústún 35
Búrfell 14	Heystæður 140

Heystæður, Fremri- 142	Langhóll efri 27
Heystæður, Heimri- 143	Langhóll neðri 28
Hnífafjall 60	Leóshvammur 70
Hnífaholt 59	Leynilág, Hærri- 82
Hnífar, Hæstu- 110	Leynilág, Lægri- 81
Hnífar, Lægstu- 75	Litlavatn 93
Hnífar, Mið- 76	Litlifoss 73
Holisteinn 65	Lægribelti 79
Holt(in) 178	Lægri-Leynilág 81
Holtasund 51	Lægstabrún 137
Hraun(ið) 98	Lægstu-Hnífar 75
Húshóll 21	Lækir 74
Hvammur 22	Lækjarhvolf 78
Hvildarklettur 123	Lögrétta 43
Hvítibali 72	Miðbrún 136
Hæribelti 77	Miðfell 127
Hærri-Leynilág 82	Miðfellsfótur 126
Hæstabrún 135	Miðfellsháls 128
Hæstu-Hnífar 110	Mið-Hnífar 76
Jörp 154	Minnahögg 105
Kálgarðshóll 23	Mjóavatn 96
Kinn 64	Mógrafapartar fremri 171
Kistufell 12	Mógrafapartar heimri 172
Kjóamýri 26	Múli(nn) 7
Klappir 68	Neðrakast 84
Kólfeyrarbrún 108	Neðra-Pveráarhvolf 104
Kolfinna 153	Neðrihús 29
Kolfinnustaðir 151	Nónmýrar 71
Kollublettur 158	Nónmýrabrekka 69
Kornustaðaá 149	Orrustuhóll 173
Kornustaðastekkur 167	Ós(inn) 42
Kornustaðatún 168	Rípur 170
Kúhóll 116	Rjóður 152
Kúhólseyri 119	Sandfell 9
Kúhólsmýrar 118	Sandfellshraun 133
Köst 86	Selpartur 162
Lágibakki 46	Selskriða 146

Selskriðuvað 147	Þjófatindar 11
Seltóttir 161	Þórðarhús 39
Simsonsgarður 169	Þröskuldur 94
Sjónarholt 61	Þverá 97
Skeiði 45	Þverárdalur, Fremri- 95
Skeiðispúfa 48	Þverárdalur, Heimri- 92
Skipabrekka 139	Þverárhvolf 102
Skógarengi 155	Þverárhvolf, Neðra- 104
Skógarengi, Fremra- 156	Þverfjall 16
Skógarengi, Heimra- 157	Þverhlíð 115
Skógarhús 163	Þverlækir 141
Skógur 148	Þverlækjarbrún efri 129
Skriður 117	Þverlækjarbrún neðri 130
Stóraholt 58	
Stórahögg 103	
Stóraskriða 113	
Stórifoss 83	
Stóripartur 175	
Stóripartur, Fremri- 176	
Stóripartur, Heimri- 177	
Stóristeinn 66	
Tagl 106	
Tjarnarhóll 24	
Tjörnin 38	
Tunguá 1	
Tungudalsbotn 138	
Tungudalur 3	
Tungufjara 44	
Tungufoss 107	
Tunguleiti 144	
Úlfsá 4	
Valhöll 131	
Veita 40	
Ytrahús 33	
Ytrahúshryggur 34	
Þinghóll 19	
Þjófaskarð 10	